



Sofia Giesler
Inatsisartuni ilaasortaq,
Inuit Ataqtigiit

§-37 nr. 276-imut akissut

Inatsisartut suleriaasianni § 37 imm. 1 naapertorlugu Naalakkersuisunut apeqquteqarsimavutit. Naalakkersuisoqarfitsinnit akineqartussanngorlugu innersuunneqarsimavoq.

12-08-2019
Suliap normua
Allakkat nr. 11359245

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

1. Eqqorpa KANUAANA-p nakkutilliissutai arlallit qaammatini arlalinni Nuummi nunamut qaqqeqatinneqarmata?

Akissut:

Kalaallit Nunaanni Aalisarsinnaanermut Akuersissutinik Nakkutilliisoqarfik nakkutilliinermut sisamanik Nuummi angallateqarpoq. Maannamut tamarmik nunami qaqqeqqapput, marluk singinneqariaannaallutik, marlulli sulit teknikkikkut ajotooqqapput.

2. Taamaassimappat; tamatumunnga suna patsisaava?

Akissut:

Kingusissumik singinneqarnerinut tunngaviuvoq angallatit teknikkikkut ajoquteqarneri.

3. Apeqqummut 1-mut akissut aappiuppat; nakkutilliineq allatut qanoq ingerlanneqarpoq?

Akissut:

Nakkutilliineq KANUAANA-p umiatsiaaqqat pigisai, nakkutilliisut namminneq angallataat atorlugit kiisalu Arktisk Kommando suleqatigalugu ingerlanneqarpoq.

4. §37_129/2019-imut akissummini Naalakkersuisut allapput pisanik qarasaasiakkut nalunaarsuineq 2017-imi atuutilersinneqartussaagaluartoq ukioormanna junimi pissasoq. - Pisanik qarasaasiakkut nalunaarsuineq junimi atuutsinneqalerpa?

Akissut:

Qarasaasiakkut pisanik nalunaarsuineq sulii piviunngortinneqanngilaq. Tamatumunnga pissutaavoq aalisarnermik nakkutilliineq pillugu nutaamik nalunaarsuortoqarnissaa kinguaattoormat sulisussaaleqineq pissutigalugu kisalu nunat tamat akornanni assigiaarinerup inaarutaasumik atuutilersinneqarnissaa utaqqimaarneqarluni.

5. Taamaassimangippat; tamatumunnga suna pissutaava?

Akissut:

4-mut akissut takuuk.

6. §37_129/2019-imut akissumminni Naalakkersuisut ilaatigut allapput: *“...Aaqqissuussaq akeqarpoq 1.538.000 koruuninik, ukiumullu ikiorteqarneq aserfallatsaaliinerlu pisinermi akiliutigineqartut 25 procentiannik annertussuseqarluni. Tamatuma saniatigut KANUAANA kalaallit nunaanni inatsisiliornermut, ikkutsinneqarneranut, paasissutissanik katersuivimmumt pioreersumut ilanngutitinneqarneranut, sulisunik ilinniartitaanermut, i.l.il. ataasiarluni akilerneqartumik 450.000 koruuninik akiliuteqarpoq. Akit najoqqutaralugit aaqqiinerit malillugit akuersissuteqarnermut akiliut 2017-imi 432.000 koruuniupput, taakkununnga qaavatigut ilanngunneqassapput inuttat allattorsimaffinik aserfallatsaaliineq, aamma immikkut attaveqaqatigiinnikkut assigiaarinerit marluk (Norgemut EU-mullu) aaqqissuussami ilangunneqareersut ataatsimut akeqartut 306.000 koruuninik.”*

- Pisanik qarasaasiakkut nalunaarsuinerumt atortussiap pisiarinissaanut 2000-kkunni aalajangernerumt atatillugu aningaasartuutissatut misingersuutaasunut maannamut aningaasartuutit aalajangiunneqarlutik pilersaarutaareersimappat?

Akissut:

Aap.

Inussiarnersumik inuulluaqqusillunga

Jens Immanuelson

Aalisarnermut, Piniarnermut Nunalerinermullu Naalakkersuisoq